



**TESTIGO PRINCIPAL DI PARTI
DEFENSA DEN CASO FLAMINGO
NO LO POR DECLARA DILANTI
JUEZ COMISARIO**



WWW.SOLODIPUEBLO.COM



SOLODIPUEBLO@GMAIL.COM

**SPEED & PATRICK A
RECTIFICA PA A YAMA
MINISTER ENDY CROES UN
“CONVICTO DI HUSTICIA”**



**DOCUMENTO NOBO TA MUSTRA CON PATRICK
PASKEL A ENRIKECE SU MES CU 300 MIL DI
DEPARTAMENTO DI SALUD PUBLICO**

**ARUBA TA PROLONGA
CIERE DI FRONTERA
CU VENEZUELA PA 4
LUNA MAS**



**AWE 24 DI APRIL, NOS TA RECORDA CU 41 AÑA PASA NOS
GRAN LIBERTADOR BETICO CROES A WORDO TIRA DOOR DI UN
AGENTE POLICIAL RIBA VELD DI WINSTON**

ORANJESTAD: 24 di april, ta un fecha historico pa Pais Aruba, como cu riba e fecha ey na aña 1983, 41 aña pasa, nos Libertador Betico Croes a wordo tira pa un agente policial na Veld di Winston. Minister Endy Croes tabata un mucha e tempo ey y ta recorda cu e tabata presente na e sitio. Esaki a sosode un siman prome cu eleccion y ainda e mandatario ta corda con pueblo a reacciona na e momento devastador ey. E eleccion ey tabata despues cu nos lider inmortal Betico

Croes a logra dia 12 di maart 1983 e Status Aparte pa Aruba. A pesar cu el a ricibi un bala y tabata den exterior, pueblo a sa di honr’e cu 10.506 voto. E tempo ey solamente 35.898 hende por a vota aki na Aruba, cual 20.788 persona a vota MEP. Awe nos ta recorda e trayectoria impresionante cu e Partido di MEP a pasa aden. Masha danki na tur cu e sostiene e lucha aki, na tur homber y muhe balente cu a sostiene nos Libertador Betico Croes.




SPEED & PATRICK A RECTIFICA PA A YAMA

MINISTER ENDY CROES UN “CONVICTO DI HUSTICIA”

Diamars merdia 1.55pm, Nelson Andrade y Patrick Paskel a rectifica pa a yama Minister Endy Croes “convicto” di husticia. Dia 9 di April, durante nan charada, nan a menciona y ripiti cu Minister Croes ta convicto. Obviamente esey no te caso ya cu nunca Minister Croes a yega na un corte penal. Nunca Minister Croes a ricibi ningun condena ni castigo di

husticia. E dos activistanan politico tur merdia ta fulmina contra henter Aruba, pero mescos cu Avestruz, pasobra riba nan enrekisimiento di 10 miyon plus, nunca nan ta papia. Cu e rectificacion di awe, a keda bon cla serca nan, cu nunca mas nan por yama Endy Croes ni pa Convicto ni pa ladron, loke nan tabata hasi tur dia, pasobra nan mes a rectifica cu Minister Croes

no tin sentencia penal. Por compronde cu ainda of keto bay nan ta sigui papia cosnan robes intencionalmente, cual no por descarta mas peticion legal contra nan. Pa awor Solo di Pueblo ta felicita Minister Endy Croes cu a gana su demanda sin bay corte, pasobra Paskel & Andrade a rectitica, nan a hala aden e palabra “convicto di husticia”.



DOCUMENTO NOBO TA MUSTRA CON PATRICK PASKEL A ENRIKECE SU MES CU 300 MIL DI DEPARTAMENTO DI SALUD PUBLICO

E construccion di cobransa ta parece un conspiracion di corrupcion

Documentonan nobo cu a sali ta muestra con Patrick Paskel tabata chica placa for di pueblo na gran escala. Casi por conclui cu tabata na un forma intencionalmente unda tur indicacion ta muestra riba posibel corrupcion. Loke ta resalta ta e hecho cu Patrick Paskel su companianan a cobra pa hasi trabaonan di duna "deskundig advies" na Gobierno di Aruba. Pues consehonan cu experticio of consehonan legal. Sinembargo den e cobransanan por constata cu nada di esaki tabata sosode. E tabata cobra gobierno pa graba radionan local y monitor corant. Remarcabel ta cu e tabata haci e trabao aki, pero e tabata cobra pe como 20 x, pasobra mes un grabacion e ta manda pa pa varios minister y departamento. Pues tabata un forma unico pa chica placa di pueblo, pero aki ta papia di miyones. Lo sigui analisa e documentonan pa asina na su debido momento por splica pueblo exactamente ta con, di ki forma, miyones di tur departamento,

2.2 Segundo contract mensual Afl. 8250.00 pa Patrick Paskel (Paxi) pa luna					
7/30/2016	5054683	Public affairs monitoring services NV	PR OVEREENKOMST DESPA	62,100.00	
12/30/2016	5054683	Public affairs monitoring services NV	PR OVEREENKOMST DESPA	41,400.00	
1/30/2017	5054683	Public affairs monitoring services NV	PR OVEREENKOMST DESPA	8,280.00	
2/28/2017	5054683	Public affairs monitoring services NV	PR OVEREENKOMST DESPA	8,280.00	
3/31/2017	5054683	Public affairs monitoring services NV	PR OVEREENKOMST DESPA	8,280.00	
4/24/2017	5054683	Public affairs monitoring services NV	PR OVEREENKOMST DESPA	8,280.00	
5/31/2017	5054683	Public affairs monitoring services NV	PR OVEREENKOMST DESPA	8,280.00	
6/30/2017	5054683	Public affairs monitoring services NV	PR OVEREENKOMST DESPA	8,280.00	
7/20/2017	5054683	Public affairs monitoring services NV	PR OVEREENKOMST DESPA	8,280.00	
8/31/2017	5054683	Public affairs monitoring services NV	PR OVEREENKOMST DESPA	8,280.00	
9/30/2017	5054683	Public affairs monitoring services NV	PR OVEREENKOMST DESPA	8,280.00	
10/31/2017	5054683	Public affairs monitoring services NV	PR OVEREENKOMST DESPA	8,280.00	
11/30/2017	5054683	Public affairs monitoring services NV	PR OVEREENKOMST DESPA	8,280.00	
12/31/2017	5054683	Public affairs monitoring services NV	PR OVEREENKOMST DESPA	8,280.00	
			Total	202,860.00	
			Grand Total	262,890.00	

Salubridad, Husticia, Deporte, etc. etc. tabata sali directamente pa saco di Patrick Paskel. Laga nos duna un pida: Aki por mira con na un solo departamento, Salud Publico, DESPA, Patrick

Paskel a cobra 262 mil segun e conteo, pero ainda falta. Ta notabel con Mikel Eman a faborece su socio, e tempo ey den ATV, cu asina tanto placa. Awendia nan tin cuero di cara pa critica

otro hende? Claro, nan ta mescos cu Avestruz... Ora e berdad yega serca nan, na ta hinca cara den tera, manera sinberguenza.

ARUBA TA PROLONGA CIERE DI FRONTERA CU VENEZUELA PA 4 LUNA MAS

Frontera cu Venezuela ta cera desde aña 2019, na momento cu Gobierno di Venezuela a cera e frontera unilateralmente. Na mei di 2023 a habri e frontera maritimo basa riba palabracionnan haci entre autoridadnan di Aruba y autoridadnan di Venezuela.

Dialuna 22 di april, 2024, Gobierno di Aruba a firma e decreto pa prolonga e ciere cu 4 luna mas, y pa e tempo ey dicidi ki dia ta habri e frontera cu Venezuela.



TESTIGO PRINCIPAL DI PARTI DEFENSA DEN CASO FLAMINGO NO LO POR DECLARA DILANTI JUEZ COMISARIO E Hefe di BCI di Cuerpo Policial cu a traha rapport falso contra Oduber lo ta hopi malo

“Kiko mi bisa ? Despues di cinco aña di investigacion, awo cu ta demonstra cu e rapportnan traha pa e Hefe aki di BCI di Cuerpo Policial no ta berdad y ta basa riba informacion falso, awo Juez Comisario a informa nos Diabierna ultimo cu no lo scucha e autor di e rapportnan falso aki mas paso su salud no ta permiti”, asina Otmar Oduber a declara na prensa awe. “Ta increible cu e testigo principal cu a traha e rapportnan falso awo no lo worde scucha mas, siendo cu e persona aki ta crucial, paso e sa pakiko a traha e shete rapportnan cu a resulta di ta 100% riba mentira y redo of si a laga traha a proposito un rapport chupa foi nan dede, pa a purba incrimina mi persona”, Oduber a afirma cu un tono basta indigna.

Ta asina cu na luna di Juni e interrogacionan mester a cuminsa di e 31 testigonan cu Juez a permiti e defensa di Oduber pa worde scucha. Entre esnan mas clave y importante den e caso tin e Hefe y funcionarionan di BCI di Cuerpo Policial, RST di Hulanda y

LandsRecherche di Aruba, banda di ex minister Marisol Tromp cu segun defensa di Oduber a gaña den declaracionan of a traha rapportnan cu e resulta evidentemente falso. E testigo principal y esun cu a traha e shete rapportnan falso lo ta den un estado di salud bastante delicado y despues di cu abogado di defensa di Oduber a pidi pa scucha e persona aki mas trempan cu Juni y pa adelanta e interrogacion pa e simanan aki mes, Juez Comisario a tuma e decision a base di e circunstancia di e miembro di polis aki, pa no interroga e persona aki mas. “Mi ta indigna, rabia y ta sinti cu esaki por a worde evita si no ta pa e falta di respet y abuso di Ministerio Publico di alarga e caso aki”.

Oduber a sigi bisa cu “ ta parce manera cu tin un conspiracion pa scapa cara di OM paso ta imposibel cu desde un aña pasa caba a sera e investigacion y no kier e presenta e caso y awo cu Juez, desde cuminzamento di November aña pasa, osea lo a bira ocho luna

pasa si ta te na Juni lo a bai haci e interrogacionan aki, esaki no lo por tuma lugar mas cu e persona principal cu lo mester splika pakiko a gaña of traha e rapport falso aki”. “ Pakiko tanto tardanza ? Pakiko mester a warda 8 luna pa cuminsa cu e interrogacion di e testigonan?”.

Oduber a mostra un biaha mas riba e hecho cu tur su derechonan a keda trapa durante henter e proceso di e caso aki y ainda Ministerio Publico kier sigi trapa riba su derecho y mas cu tur riba e berdad, tur djis pa scapa nan cara pero lubidando y ignorando e dolor y inhusticia cu a comete contra su persona. “Ministerio Publico a faya barbaramente y corte lamentablemente a alarga e sufrimento aki dimas, te na e punto cu awo un di e testigonan principal no lo ta apto mas pa duna su declaracion di pakiko a gaña y/of traha e rapportnan falso aki”, y esaki segun Oduber si ta di condena.

Mi ta kere e imagen aki ta na su lugar den e caso aki



Clasificados

SOLODIPUEBLO@GMAIL.COM
CEL.585 9500

“ARUBA GANADOR ABSOLUTO DI WEGANAN INTERINSULAR 2024”



Durante e fin di siman di 11 pa 14 di april 2024 a tuma lugar na hermana isla Curaçao, Weganan Interinsular 2024, esaki pues tabata e ultimo di un serie di 3 eventonan pa e ciclo di Weganan Interinsular.

E weganan aki a inicia na Aruba, despues a sigui pa Bonaire y a termina na Curaçao.

Ramonan di deporte cu a tuma lugar na Curaçao tabata Volleyball basis school mucha homber, Basketball voortgezet onderwijs y Atletismo.

Basketball:

Den weganan di basketball Aruba

a keda na di tres lugan ganando for di Bonaire pa e wega di tres y cuater lugan, cu score di 16-10.

Volleyball:

Pa loke ta Volleyball, Aruba un biaha mas tabata den defensa di su titulo logra na aña 2023 den Weganan Interinsular na Aruba. Den prome buelta Aruba a gana tur su weganan, den di dos buelta Aruba a cay cortico y na final di competencia a keda na di tres lugan den volleyball.

Atletismo:

Den atletismo tabata tin varios disciplina y muchanan di Aruba a finalisa como lo siguiente: den distancia largo mucha muher categoria 2, Leia Wever a keda na di seis lugan, na di cuater lugar a keda Jaydyzianne Wester y na di tres lugan a keda Ryzilaine Richardson.

Den categoria 3, na di nuebe lugan a keda Hailey Curiel, na di siete lugan a keda Edelliane Croes y na di tres lugan a keda Aryeana van der Linde. Distancia largo mucha homber, categoria 2 na di ocho lugan a keda Fofane Jean Raymond, na di tres lugan a keda Jeshard Arias de la Cruz y na di dos lugan a keda Rayven Pimienta.

Den categoria 3, na di shete lugan a termina Benjamin Molina, na di seis lugan a termina Jayvyen Quandt y na di cuater lugan a termina Rabial Harriot. Pa loque ta trata sprint mucha muher categoria 2 na di shete lugan a keda Leia Wever, na di seis lugar a keda Ryzilaine Richardson y na di dos lugan a keda Jaydyzianne Wester.

Den categoria 3, na di 7 lugan a keda Hailey Curiel, na di 6 lugan a termina Aryeana v/d



Linde y na di tres lugan categoria 3 a keda Edelliane Croes.

Sprint Mucha homber categoria 2 na di cinco lugan a keda Rayven Pimienta, na di cuater lugan a keda Fofane Jean Raymond y na di dos lugan a termina Jeshard Arias De La Cruz.

Den categoria 3, na di shete lugan a keda Benjamin Molina, na di seis lugan a termina Fabial Harriot y na di tres lugan a keda Jayvyen Quandt. Den evento di bula leu categoria 2 mucha muher, na di nuebe lugan a keda Leia Wever, na di seis lugan a termina Ryzilaine Richardson y na di cinco lugan a termina Jaydyzianne Wester.

Categoria 3, na di nuebe lugan a termina Hailey Curiel, na di ocho lugan a keda Aryeana v/d Linde y na di seis lugan a keda Edelliane Croes. Bula leu mucha homber categoria 2 na di shete lugan a termina Fofane Jean Raymond, na di seis lugan a keda Rayven Pimienta y na di dos lugan a termina Jeshard Arias De La Cruz.

Den categoria 3, na di ocho lugan a keda Benjamin Molina, na di seis lugan a keda Jayvyen Quandt y na di cuater lugan a termina Fabial Harriot.

Den evento di tira bala categoria 2 mucha muher na di ocho lugan a termina Leia Wever, na di cinco lugan a keda Ryzilaine Richardson y na di tres lugan a keda Jaydyzianne Wester.

Categoria 3 mucha muher, na di nueve lugan a keda Edelliane Croes, na di siete lugan a termina Aryeana v/d Linde y na di seis lugan a termina Hailey Curiel. Tira bala categoria 2 mucha homber, na di nueve lugan a keda Rayven Pimienta, na di cuater lugan a keda Fofane Jean Raymond y na di dos lugan a termina Jeshard Arias De La Cruz.

Den categoria 3, na di nuebe lugan a keda Benjamin Molina, na di siete lugan a keda Jayvyen Quandt y na prome lugar a keda Fabial Harriot.

A base di resultadonan y acumulacion di punto logra tanto na Aruba, Bonaire y Curaçao, ganador absoluto di Weganan Interinsular 2024 a resulta Aruba.

IBiSA ta felicita tur e alumnonan di skol cu a participa na Weganan Interinsular 2024 y tambe na tur ganadornan en general. Gradicimento ta bay na tur esnan cu a coopera pa haci Weganan Interinsular 2024 posibel.

GABINETE DI ARUBA A RECONOCE BALUARTENAN DURANTE DI ARUBADAG



Den Haag – Gabinete di Minister Plenipotenciario a duna reconocimiento na tres baluarte Arubiano na Hulanda, durante di Arubadag den De Broodfabriek na Rijswijk. Un momento adecua pa duna balor na nos hendenan na Hulanda cu a haci un contribucion grandi pa e comunidad Arubiano na Hulanda como tambe e comunidad Hulandes.

E prome persona pa a ricibi un reconocimiento ta Meda Camacho, cu a nace na Savaneta y ta bin di un famia hopi musical. Cu su 19 aña Meda a conoce e amor di su bida cu tabata staciona na Marinierskazerne, nan a bin Hulanda y na Amersfoort nan a casa y a cuminsa un famia di dos yui homber. Despues cu su esposo a muri na edad jong, ela dicidi pa studia na Sociale Academie De Horst y a bai traha principalmente cu casonan

di voogdij. Pa cuater aña ela tabata gemeenteraadslid pa D66 na Amersfoort. Den e periodo aki Gabinete di Aruba a pidi su yudansa cu e famianan di e victimanan di e Desaster di Bijlmer. Na 2004 ela baha cu pensioen, pero a keda haci hopi trabao voluntario. Minister di Cultura Xiomara Maduro a haci entrega di reconocimiento na señora Meda Camacho.

E di dos reconocimiento a bai pa Jack Rasmijn. Jack a caba su HBS na Aruba y cu un beurs a bai studia na Anton Rosdorg MTS na Den Haag. Despues di su dienstplicht ela cuminsa traha na 1962 na e compania Siemens Nederland BV. Durante añanan ela ocupa diferente funcion den Siemens na Hulanda, Bruselas y München, Alemania. Mientrastanto e persona aki a cuminsa cu trabaonan voluntario, specialmente dirigi riba


hendenan di edad. Te ainda e ta den directiva di Platform Allochtone, cu ta un “adviesorgaan” di e College di B&W di Den Haag yesaki tambeta conta pa Ouderen y Stedelijke Ouderen Commissie. Y ainda tin mas organisacion cu por conta riba su participacion. Minister di Labor Glenbert Croes a entrega e reconocimiento na señor Rasmijn.

Por ultimo a duna un reconocimiento na Rossini van Wijk, nasi na San Nicolaas. Rossini tabata den Aruba su Carnaval desde mucha. Pronto ela cuminsa diseña pa Reinanan, individualnan y gruponan di Carnaval,

ganando tur sorto di premionan. Tambe Rossini tabata envolvi cu e agencia di modelahe Di Aruba Moda. Awendia Rossini tin su grupo di Carnaval na Hulanda, esta Kingdoms Under The Sun, ya pa 22 aña. Rossini su grupo y Reinanan semper ta representa Aruba rond Europa y e tin dos Reina di Carnaval International. Rossini tambe ta diseña National Costumes pa Reinanan di beyesa pa Aruba, Hulanda, Curaçao, Belgica, Luxemburg, y Francia, y a gana ocho biaha caba Best National Costume pa Hulanda. Rossini ta sigui keto bay cu Carnaval na Aruba y Hulanda, semper


representando Aruba su dushi Carnaval. E reconocimiento na Rossini van Wijk a keda entrega pa Minister Plenipotenciario Ady Thijsen. Asina Gabinete di Aruba a rindi honor na nos hendenan cu a duna nan contribucion na e comunidad Arubiano na Hulanda, como tambe na e comunidad Hulandes. Un pabien cu e reconocimiento akin a Meda Camacho, Jack Rasmijn y Rossini van Wijk.

Nota pa redaccion: E potretan ta cortesía di Arubahuis y ora di publica haci mencion di e nomber di e fotografo Michel Groen.



Feliz Dia di Rey

En conexion cu Dia di Rey
nos lo ta cera henter dia ariba:
Diabierna 26 di april 2024



Den caso di emergencia por yama libremente nos Storingsdienst na 523-7147.

ARUBA BANK TA PRESENTA UN SERIE DI ENTREVISTA CU SU MORTGAGE ADVISORS – “CAWETA DI HIPOTECA”

Oranjestad, 23 di April, 2024 – Manera a ser anuncia na inicio di e campaña 'Perfect Pieces, Perfect Mortgage' di Aruba Bank, Aruba Bank lo presenta contenido exclusivo pa tur cliente interesa di haya sa mas tocante Hipoteca.

Aruba Bank a diseña un serie di entrevistanan cu contenido relata na Hipoteca, “Caweta di Hipoteca”. E serie aki ta wordo presenta, conhuntamente cu Larissa Bermudez como host. Larissa lo ta den entrevista cu Aruba Bank Mortgage Advisors, pa asina haci preguntanan valioso pa por logra e cas di su soño.

E fechanan di e serie di entrevistanan ta conoci:

- Entrevista 1: Diahuebs, 24 di April,

2024

- Entrevista 2: Diabierna, 3 di Mei, 2024

- Entrevista 3: Dieranson 8 di Mei, 2024

Aruba Bank kier encurasha, tur cliente pa registra, e lo ricibi un email cu e link pa por haya acceso na e entrevistanan.

Tocante e campaña di Hipoteca, Perfect Pieces, Perfect Mortgage:

E campaña aki ta diseña, pa e cliente cu kier cumpra, construi, of refinancia su cas. Sea bo kier realiza bo prome cas, of ta desea di “upgrade” bo cas existente, nos Mortgage Advisors ta cla pa guia e cliente, paso pa paso, den cada fase di e proceso.

E campaña ta ofrece tarificanan competitivo, financiamiento cu ta fit cu e situacion di cada

persona, e opcion di cumpra awor y cuminsa paga despues di 6 luna, y financiamiento cu por bai te cu 30 aña. Aplica awe mes riba www.arubabank.com/perfectmortgage, y explora tur beneficio y tuma e prome paso pa realiza e cas di bo soño. Tambe por traha un cita via E-appointment, of bishita nos sucursalan pa ricibi mas informacion, nos tin un Mortgage Booth disponibel durante periodo di campaña.

Tambe, e campaña di Perfect Pieces, Perfect Mortgage, ta ofrece e cliente oportunidad pa gana CASH PRIZES: Probecha di e oferta special aki cu ta valido te cu dia 30 di juni, 2024. Pues, pa tur aplicante desde awe te cu dia 30 di



juni, 2024, ta participa pa gana! Lo reparti un total di 30 mil florin den premio. E premio mayor lo ta AWG. 15,000, segundo premio lo ta AWG 10,000 y lo saca 5 ganador tambe di cada un AWG 1,000.- CASH.

Bishita Aruba Bank su website www.arubabank.com/perfectmortgage, Aruba Bank su Facebook, y REGISTRA awe mes.

INSCRIPCION PA E ESTUDIO PA MAESTRO DI ENSEÑANSA PRIMARIO DI IPA TA CERA DIA 1 DI MEI ATA BO ULTIMO OPORTUNIDAD PA INSCRIBI PA AÑA ACADEMICO 2024-

2025! Bo kier aporta na e formacion di nos muchanan? Bo ta un persona cu por carga responsabilidad y traha independientemente of den ekipo? Bo ta curioso y creativo? Si e contestanan ta si, e ora e estudio pa maestro di Enseñansa Primario, cu IPA ta ofrece, ta e estudio ideal pa bo. E estudio pa Maestro di Enseñansa Primario ta forma maestro cu ta cualifica pa duna les na mucha di kleuter y of basisschool. Informacion di e estudio pa Maestro di Enseñansa Primario Tur informacion di estudio pa Maestro di Enseñansa Primario ta riba website di IPA. Subi www.ipaaruba.com y click riba opleidingen sigui

pa Leraar Primair Onderwijs. Aki lo bo haya informacion di entre otro contenido di e estudio, kico bo por haci despues di e estudio, gasto y procedura di inscripcion. Inscripcion Bo ta sinti bo yama pa haci e estudio aki y ta desea di inscribi? Inscripcion ta tuma luga online. Bishita www.ipaaruba.com, bay na aanmelden y scoge pa beroepstest Primair Onderwijs y sigui e instruccion.

Pa por inscribi mester cumpli cu e pago di AWG 80,- y pone como anexo un copia di e comprobante di pago den e formulario digital di inscripcion. Tene na cuenta

cu e comprobante mester tin bo nomber riba dje, p'asina nos sa na ken e pago ta pertenece. Na final bo lo ricibi confirmacion di bo inscripcion. Solamente estudiante den examenklas of graduado di havo, vwo of mbo nivel 4 por inscribi pa e estudio pa Maestro di Enseñansa Primario. E ultimo dia pa inscribi pa e estudio aki ta 1 di mei 2024.

Despues di e fecha aki no por inscribi mas pa aña academico 2024-2025 pa motibo cu e beroepstest (testnan di admision) lo tuma luga dia 1 di juni, 4 di juni y 8 di juni 2024. Ta consehabel pa inscribi mas pronto cu ta posibel p'asina bo tin suficiente



tempo pa prepara y termina e beroepstest cu exito! Pa keda altanto di e ultimo desaroyonan di IPA bishita www.ipaaruba.com y sigui nos riba e pagina di facebook Instituto Pedagogico Arubano.

MINISTER ENDY CROES TA FELICITA ATLETA OLIMPICO ROSHENDRA VROLIJK CU A RICIBI RECONOCIMIENTO OLY DURANTE PREMIO EXCELENCIA DEN DEPORTE

: Durante Premio Excelencia den Deporte 2023, a reconoce cuater (4) atleta olimpico pa nan gran trayectoria y promove e balornan olimpico. Roshendra Vrolijk a ricibi un certificado y pin di Olympians for Life (OLY) for di man di presidente di Asociacion Arubano di Atletanan Olimpico, Sr. Isnardo Faro. Roshendra a participa cu su 15 año di edad y te cu awo e ta e atleta di mas hoben cu a yega di participa

pa Aruba na e Weganan Olimpico, den e deporte di landamento den e evento di 50 meter "freestyle" na e Weganan Olimpico na Sydney, Australia na año 2000 y 4 año despues na e Weganan Olimpico na Athenas, Grecia.

Fuera di esaki, Roshendra a participa na año 2003 den FINA World Championships na Barcelona, Spaña; na año 2003 den Central American and Caribbean

Swimming Federation (CCCAN) na Mexico y na Weganan Panamericano na Santo Domingo; na año 2002 na ODESUR na Belem, Brasi; na año 2002 CISC na Corsou y na año 2001 na CCCAN na Santo Domingo.

Un di e caracteristacanan di Roshendra ta su determinacion, cual a hib'e pa tin un trayectoria exitoso. Minister di Enseñansa y Deporte Endy Croes ta felicita



Roshendra Vrolijk cu su e desaroyo di deporte di reconocemento OLY y ta Aruba. gradicie pa contribui den

MINISTER ARENDS TA CONMEMORA DIA DI MAMA TERA CU INICIATIVANAN AMBIENTAL ROND DI ARUBA

Tur año riba 22 di april nos ta celebra Dia di Mama Tera, e tera cu a bin ta provee nos cu bida, nutricion y proteccion durante siglonan. E año aki, celebracionnan di e dia special aki a cuminsa cu entusiasmo riba diasabra ora miembronan di comunidad a uni pa honra e pida baranca cu nos ta comparti cu otro.

Cu un serie di actividad y iniciativanan, diferente organisacionnan a bin ta promove sostenibilidad ambiental fomentando participacion civico. Diasabra 20 di april, Ministerio di Naturalesa a contribui na diferente actividad den cual pueblo di Aruba por a participa.

Baki den Bario, ya caba

activo desde año pasa september ta un iniciativa den cuadro di e campaña nacional 'Limpi Limpi' unda ta stimula separacion di desperdicio di nos ciudadanonan. E biaha aki Baki den Bario tabata na Veld di Bubali na Noord di 7'or te cu 11'or di mainta bou direccion di Bureau City Inspector.

E proyecto di Minister Arends di agroforesteria na scolnan basico tambe ta den pleno ehecucion unda cu e biaha aki a toca turno di St. Paulus School na San Nicolas. Di 7'or di mainta te cu 1'or di merdia, maestronan, studiantenan y boluntarionan a yuda crea un hardin di alimentacion. Un proyecto bou guida di Santa Rosa Aruba y Living Soil Aruba

pa apoya scolnan basico na incorpora actividadnan di sector primario como herment educativo. Un danki special na director Sr. Randy Arends, cabesante di St Paulus pa nan colaboracion.

Tambe ariba e dia aki Universidad di Aruba a organisa un "Earth Day Clean-Up" unda studiantenan a reuni den e bario di rancho pa yuda tene Aruba limpi limpi. Na otro punta di Aruba, Aruba little Volunteers tambe tabata tin nan accion di limpieza na Bachelor's Beach. Aruba Little Volunteers ta un organizacion creciente cu ta siña nos muchanan tocante e balor di contribucion comunitario y mantencion di nos medio



ambiente.

"Cada accion chikito ta conta. Laga nos bini hunto pa celebra nos medio ambiente, recordando cu nos esfuersonan colectivo di awe ta yuda forma e mundo di mañan. No solamente ariba Dia di Mama Tera pero sigur nos mester ta consciente cu Aruba su compromiso pa un miho proteccion ambiental ta cuminsa

cu cada uno di nos, den nos accionnan di tur dia," Minister Arends, encarga cu proteccion di Naturalesa. Minister Arends ta gradici tur residente cu a sali y participa den e eventonan aki, demostrando nan compromiso pa nos naturalesa y e sostenibilidad di nos isla. Laga nos keda uni pa haci un impacto positivo riba nos comunidad.

A.T.A. A CELEBRA EARTH DAY 2024 CU DONACION NA ‘BAN LANTA Y PLANTA’



Pa conmemora Dia Internacional di Mama Tera 2024, y na un manera diferente, A.T.A. a scoge pa otorga un donacion na organisacion non-profit cu oficialmente a wordo estableci na 2020, esta ‘Ban Lanta y Planta’. Un organisacion cu ta carga e meta pa planta un total di 10.000 mata local pa asina crea, conserva, y restaura un eco-sistema caminda cu flora, fauna, y nos hende local por prospera y co-existi den harmonia.

Un donacion cu ta dirigi na un proyecto cu lo yuda

na mehora e biomasa di e isla atraves di absorcion y separacion di carbon pa asina enrikece e biodiversidad y rehabilitacion di nos flora y fauna. Ta di menciona cu e organisacion a logra planta un total di 1.000 mata te cu december 2023, y ta continua planta activamente den 2024 hunto cu diferente organisacion y schoolnan local.

E necesidad pa planta mata local, segun strategia, a surgi debi na e caida den cobertura di mata rond di e

isla pa motibo di desaroyo, erosion of uzo comercial di tereno. Un topico di suma importancia y valido mirando cu mata ta hunga un rol importante den combati desafionan manera; cambio di clima y perdida di biodiversidad abase di perdida di habitat di nos animalnan. Plantando mata local, e organisacion ta spera di tin un impacto positivo pa asina stop of haci cambio na e decaida di mata rond di nos isla.

A.T.A. ta aprecia e esfuerso, dedicacion, y pa fungi como un organisacion sumamente activo den nos comunidad. Esaki ta inclui provee consejo y atencion na diferente organisacion y esfuerso nacional, incluyendo aki cu enfoke masha importante riba nos hubentud.



Cu e donacion aki, A.T.A. ta spera di por contribui positivamente na e organisacion cu lo yuda na conscientisa, promove, crea campaña, y cumpli cu proyectonan riba e necesidad di conservacion

di nos naturalesa.

Bishita <https://treesforaruba.com/> pa mas informacion di Ban Lanta y Planta.

Minister Endy Croes:

SR. LUCIANO “WICHI” CROES A RICIBI RECONOCIMIENTO DI BALUARTE DEPORTIVO DURANTE PREMIO EXCELENCIA DEN DEPORTE

: Diabierna anochi, den e prestigioso ballroom di Renaissance Convention Center, a tuma luga Premio Excelencia den Deporte 2023, unda cu a rindi homenahe na dies (10) baluarte deportivo cu a dedica gran parti di nan bida na e desaroyo di deporte di Aruba.

Sr. Luciano Martino Croes, miho conoci como Wichi, a forma parti di Sportvereniging Estrella

desde 12 aña di edad y a practica diferente deporte entre otro, pingpong, basketball y volleyball. Wichi a representa Club Estrella den reunion general anualmente di Arubaanse Voetbal Bond (AVB) desde aña 1963 te cu aña 1993 durante 30 aña. Wichi tabata secretario di e division di futbol di Estrellapa 35 aña y despues a fundi como presidente di S.V. Estrella durante cinco (5) aña. Despues Wichi a

forma parti di e comision di AVB. Na november di aña 1983 Wichi a wordo eligi como miembro di directiva y a ocupa e puesto di secretario durante ocho (8) aña. Ademas di esaki, Wichi tabata presidente di Aruba Sport Unie (ASU) pa un periodo di cuater (4) aña.

Premio Excelencia den Deporte y Minister Endy Croes ta felicita Wichi cu e reconocimiento



Baluarte Deportivo 2023 y ta gradici Wichi pa su

dedicacion, amor y aporte den e deporte di Aruba.

MINISTER ENDY CROES TA DESEA E CHEFNAN DI COLEGIO EPI HOPI EXITO CU E TRAINING CULINARIO NA ROC MONDRIAAN NA DEN HAAG, HULANDA



Diadomingo ultimo, Minister di Enseñansa y Deporte Endy Croes a acudi na Aeropuerto Internacional Reina Beatrix pa despedi di cuater (4) chef, un (1) docente y un (1) miembro di staf di Colegio EPI cu ta biahando pa Den Haag, Hulanda. Durante un (1) siman, e team di cushina di Colegio EPI lo acudi na ROC Mondriaan pa siña e sistema nobo cu tin riba nivel di MBO 3.

Sra. Tisa LaSorte di AHATA a indica cu e trabou culinario ta un di e trabounan mas dificil pa bo haya na Aruba. AHATA ta purbando di basta tempo caba pa yuda e scolnan culinario pa atrae

mas estudiante, pero tambe pa hisa e nivel di educacion culinario na Aruba. AHATA a aporta pa e docentenan culinario di EPI por biahna Hulanda pa mira entre otro, con nan ta duna les eynan, mira kico ta nan curiculo y con e cushina ta. Directora general di colegio EPI Sra. Ankie Danker a indica cu nan ta contento cu team di cushina di Colegio EPI ta biahando pa asina siña di e estudio nobo cu ta biniendo. Tin varios desaroyo y ta importante pa e chefnan bay den exterior pa siña mas. Sra. Danker ta gradici Minister Endy Croes y AHATA pa haci esaki posibel. Finalmente, Minister Endy Croes ta gradici AHATA pa nan sosten

y ta gradici Sra. Danker pa e gran colaboracion pa logra pasonan grandi pa nos studiantenan di Colegio EPI. E mandatario di Enseñansa ta desea e chefnan Sr.

Alvin Leest, Sr. Oscar Steba, Sr. Fernandi Nuñez y Sr. Calvert Cilie hopi exito cu nan training den Curiculo Culinario na Hulanda.

DIP TA TRAHANDO RIBA PETICIONNAN PA TERENO MASKE TIN HOPI RETO AINDA PA ATENDE

Oranjestad, 23 April 2024 - E Departamento di Infraestructura y Planificacion, DIP a enfrenta y ta enfrentando hopi reto. Esakinan debi na e tantisimo investigacionnan den ultimo añanan cu a paralisa hopi proceso. Ademas tin escasez di personal tambe debi cu ainda tin personal riba schorsing door di e investigacionnan penal. Apesar di e reto serionan aki, DIP ta den proceso pa elimina e atrasonan y pa medio 2024 ya tur hende lo por nota un diferencia.

Tereno ta schaars na Aruba

Un reto cu DIP mester tene cuenta cu ne ta e preocupacion grandi na Aruba pa cu e capacidad di carga na Aruba. Esaki combina cu e hecho cu tereno ta schaars, ta haci cu DIP ta cauteloso y prudente den su maneho ora ta pidi pa traha condominiums of hotel. Esey den e caso specifico aki ta e causa di atraso.

Sinembargo, DIP ta trahando pa cumpli cu sentencia di hues teniendo na cuenta e interes general di pais Aruba y interes di tur esnan cu a pidi tereno. Ta asina tambe cu e realidad

di casonan den corte tambe ta un desafio pa DIP pa purba minimalisa esakinan mas hopi posibel y trece e decisionnan bek na DIP mes unda nan ta pertenece.

DIP ta trahando duro riba su eficiencia, integridad y confiansa y no ta un proceso di algun luna pero di añanan cu tin cu drecha (herstel) y ta spera mas movicion den e parti comercial den año 2024 conforme ley, maneho y reglanan di Pais Aruba.

FORTALEZA PA FAMILIA

Scirbi pa Pastor Marcel Balootje,

DIOS TA CONTRA DI ABUSO DI MUCHA, DI BERDAD E TA DIABOLICO

Mescos cu nos tur sa cu Dios ta bondadoso, y misericordioso, a yega tempo cu tur hende mester sa cu diabel ta un abusador, mentiroso, horta di identidad di esnan cu no kier reconoce Dios, criminal, malbado, inmoral y destructor.

Mateo 18:3, Mateo 18:6, Marco 9:42, Lucas 17:2. Dios ta avisa pa medio di Su palabra locual por pasa cu esnan cu ta mete cu mucha, pasobra tur mucha ta di Dios.

No ta pa tur tipo di abuso di mucha hende ta ricibi condena di prison pe, pesey hopi ta sigi probecha, pasobra ley no ta persigi nan, Pero tene cuenta cu ningun hende no por haci bofon di Dios.

Hende cu ta obliga mucha pasa door di ritual di bruheria y santeria, bao di e pretexto cu e mucha mester wordo protega(fura).

Hende cu ta sali for di haci bruheria y ta yega cas, y hisa baby carga for di den su cama, mientras cu e presencia di maldad ta riba nan, asina ta pone mucha bira malo.

Hende cu ta haci maldad den nan cas y cosnan malo ta drenta nan yuinan inocente, esaki tambe ta causa di hopi mucha rebelde awendia.

Hende cu ta permiti na yuinan wak pelicula di horror manera ta un wega sin tene cuenta cu salud mental di e mucha.

Hende cu ta hiba mucha

serca hende cu ta monta y mira carta pa wak kico falta un mucha enbes di busca Dios.

Hende cu teniendo tur facilidad pa hiba un mucha dokter, toch pa floho of negligencia ta laga e mucha cana dianan cu dolor.

Hende cu ta maltrata nan propio yiu, ora e yiu a haña nan den un acto inmoral, sea adulterio, fornicacion, homosexualismo of lesbianismo.

Hende cu ta prefera gasta tur placa sin cumpra cuminda pa nan yuinan, pasobra nan tin diferencia di opinion cu e mama.

Hende cu ta falta respet na mucha, usando droga, bebe alcohol, y hasta haci sex den bista di mucha.

Hende cu no ta pone atencion na educacion na cas, tampoco enseñansa na scol di un mucha.

Hende cu ta entrega nan yiu den man di un Sugar Daddy pa nan tin beneficio financiero.

Hende cu ta sconde botin di ladronia y benta di droga pa nan yuinan.

Hopi di e cosnan aki ta keda scondi, pasobra te ainda no tin castigo pa nan, y hopi ta sigi probecha di muchanan inocente.

Pero biniendo bek riba abuso sexual di mucha, esaki ta un hecho diabolico, algo cu no tin nomber, hopi a cay den perversidad profundo, y hopi ta lamenta.

Tin biaha tin hende ta kere cu pasobra nos ta ripiti versiculo biblico, nos ta fanatico, pero e ta un gran berdad, mayoria hende cu cay den e trampa diabolico di abuso di mucha, ta hende cu no a haña necesario pa reconoce Dios, den nan bida, y Dios a entrega nan na un mente perverso, y nan ta haci cosnan cu no ta cumbini (Ro-

manonan 1:18-32).

Den Lucas 17:1 Señor ta splica bon cla kico lo pasa cu hende cu ta causa tentacion.

E falta di respet cu ta reina mundialmente, y e falta di norma y balor den famia, a pone cu e gran abusador (diabel) a cohe un ventaha hopi grandi, pasobra hende a bira mas stimado di mate-

rial cu di Dios.

Hende no ta balora nan yui manera antes mas, hopi ta expone nan yiu na tur clase di peligro, y haci manera nada no por pasa.

Un biaha mas Dios den su inmenso amor ta yama nos pa arepentí. Sinceramente, Pastor Marcel Balootje.



MASHA DANKI DI CURAZON



GRAN FESTIVAL DI RANCHERA

**CELEBRANDO 38 AÑA DEN RADIO
DIFUSION DI CECILITO LOPES**

01 JUNI 2024

Diadomingo 21 di april, a tuma luga e di 16 edicion di Arte di Palabra (AdP).

Departamento di Cultura Aruba (DCA), bou di auspicio di Minister di Cultura, ta encarga cu e proyecto di AdP. E comision cu ta organisa AdP ta consisti di personal di DCA y Fundacion Corector di Papiamento

AdP ta un competencia literario di poesia y storia cortico na Papiamento, pa scolnan secundario. E meta di AdP ta pa stimula nos hobennan pa expresa y skirbi den idioma Papiamento.

Scolnan cu a wordo representa ta Abraham de Veer, Colegio Arubano, Ceque College, Colegio Nigel Matthew, Maria College, Colegio San Antonio, Mon Plaisir College y EPI.

Un total di 35 obra a wordo presenta den Cas di Cultura, mientras publico por a gosa tambe di presentacion di e grupo di baile "Street Soldiers, kende a gana e competencia di Gang di Arte 2023. Pa 7 or di anochi, cuerpo di hurado a entrega e re-

sultado na e dos MC nan kende ta ex participante di AdP, Samantha Trinidad y Kay Quandus, cu a anuncia ken ta e ganado y finalistanan.

Ganadonan di AdP lo bay representa Aruba den e competencia interinsular Arte di Palabra ABC, cu lo tuma luga dia prome di juni 2024. Aruba, Bonaire y Corsou lo celebra hunto e 25 aniversario di AdP Corsou.

Un danki special ta bay na e docentenan cu a motiva nan alumnonan pa participa y tambe na Joan Danies y Jhon Freddy Montoya, cu pa dos siman a train e participantenan. Resultado di Arte di Palabra Aruba 2024

Categoria A: Poesia Existente Klas 1-2

1 Lishando Shann - Abraham de Veer - Ta basta
2 Georvin Angela - Filomena College - Inspira den mil cancion
3 Loubens Ocean - Abraham de Veer - Hoben balente

Categoria B: Poesia Original Klas 1-2

1 Isabella Conde Navaro - Abraham de Veer - Mi inspiracion

2 Richeler Jean - Abraham de Veer - Su bunitesa
3 Eden Antersyn - Abraham de Veer - Mi ta cansa y fada

Categoria C: Poesia Original Klas 3-6

1 Genevan Maduro - Colegio Arubano - E victima
2 Guizza Steenvoorde - Colegio Arubano - Duna un man

3 Shadiva Williams -



Abraham de Veer - Or'e ritmo dal

Categoria E: Cuenta Original Klas 1-2

1 Eden Antersyn - Abraham de Veer - E fruminga bailado

2 Loubens Ocean - Abraham de Veer - Patrick y Rozie

3 Taminah Croes - Colegio San Antonio - Aventuranan cu Inaysa

Categoria F: Cuenta Original Klas 3-6

1 Qryna Antersijn - Abra-

ham de Veer - E noticia
2 Eliziën Antersyn - Colegio EPI - Keiro den auto cu Machi y Pachi

Categoria G: Rap

1 Isdell Hyacinme - Maria College MAVO - Un bida mas miho

2 Lens Julien - Maria College MAVO - Ban tene man hunto

Ganador Absoluto: Genevan Maduro

Potretnan ta cortesía di Jhon Freddy Montoya y Angela Velasco

Parlamentario mr. Gerlien Croes:

Diripiente gobierno ta anuncia di tin un maneho nobo di permiso pa hotel

Despues cu serie di pregunta a ser manda na Minister President.

Parlamentario independiente mr. Gerlien Croes a manda un serie di pregunta den direccion di Minister President Evelyn Wever-Croes como e titular encarga cu desaroyo teritorial pa duna cuenta di varios aspecto den otorgamento di permiso di construccion di hotel, pero tambe e acceso y uzo na beach publico y ta wardando su contesta. Esaki ta djis algun di e preocupacionnan cu ta biba den comunidad pa loke ta trata e 1.900 camber di hotel nobo cu tin na caminda.

Realidad ta cu Aruba a conoce un desaroyo economico y turistico sin limite pa hopi aña, mientras cu diferente gobernacion ta culpa otro pa cu esaki. Y aunke no kier

asumi responsabilidad, si ta beneficia financieramente, manera ta e caso di e bufete di abogado liga na gobierno actual cu ta esun cu tramita tur acuerdo di benta, traspaso, permiso, etc.

Fuera di e aumento den cantidad di camber, tin tambe e preocupacion pa cu maneho y uzo di beach y lama. Ciudadano ta tuma nota di permiso duna na diferente hotel pa pone stoel of construi facilidad y a raiz di esaki ta bin e pregunta di kico tur ta mara na e aprobacion di proyecto nobo manera Iberostar, St. Regis y otronan.


Parlamentario Croes a indica cu e no por imagina su mes cu prome minister a djis bisa nan e cadenan hotelero aki: 'Bin construi hotel numa, pero beach si boso no por bay haci uzo di dje'. Mester

cuestiona esaki pasobra e ta defini e futuro di nos isla. P'esey a manda pregunta specifico na minister president.

Croes kier sa con e maneho tabata tur tempo di su mando? Ken tur a haci peticion pa permiso precario? Ken si a haya caba y ken ta wardando ainda y dicon? Con otorgamento ta hinca den otro? Ken ta encarga cu e trabou of supervision di instalacion di palapa? Con acceso ta cambia pa publico? Ta spera cu prome minister por bin parlamentario pa clarifica y duna informacion na publico.

Adicional na esaki tin pa pensa tambe riba e forsa laboral necesario, cu ya organizacion local manera AHATA a indica cu no tin suficiente ni sikiera pa e hotelnan cu t'ey caba. Tambe tin e embehecamiento di nos poblacion cu ta reduci e cantidad di persona den edad laboral, mescos cu e efecto riba capacidad di enseñansa, vivienda y otro servicio publico.

"Tur esaki ta cos cu e politiconan cu a hinca nos den e situacion aki no kier papia di dje. E realidad cu



nos tin cu acepta ta cu nos a maximalisa e desaroyo economico. Awor nos mester wak kico nos ta bay haci pa mantene y cuida loke nos tin y ken ta bay haci responsabel pa e mal maneho di pasado. E compania multinacional a tuma e oportunidad di inversion cu el a haya su dilanti, pero ta nos mandatario a brinda e oportunidad ey sin pensa riba condicionnan husto."

Awor cu e baca a hoga caba, diripiente despues di casi 7 aña cu nan ta goberna y cu e preguntanan a sali pa e Minister President cu ta esun encarga, gobierno ta anuncia maneho nobo di otorgamento di permiso pa hotel; asina Croes firmemente a duna di conoce.

Taekwondo Team Aruba a gana 6 Medaya na e AAU Florida Gold Coast State Qualifier



Den fin di siman Taekwondo Team Aruba a participa den e AAU Florida Gold Coast State Qualifier na Miami. Taekwondo Team Aruba a participa cu 6 atleta y a logra gana 2 Medaya di Oro, 1 Medaya di Plata y 3 Medaya di Brons.

Tabata tin un total di 489 participante entre otro for di Cayman Islands, Aruba,

Estado di Florida, Georgia, Texas, North Carolina y mas. Aruba su team a wordo prepara door di Master Yoshmar Wever y Master Clifford Rasmijn. Awo training ta sigui pa e proximo eventonan Internacional cu tin te cu December 2024. Un di eventonan mas importante pa Taekwondo Team Aruba ta e TK5 na Merca.

Pastoral Hubenil Aruba cu Caminda di Luz Hubenil na misa di Dakota




CAMINDA DI LUZ HUBENIL

26 DI APRIL

Caminda di Luz (Via Lucis) ta recorda e aparicion y momentonan cu a pasa despues di resurreccion di Hesus.

Caminda di LUZ 6:30 PM - 7:00 PM
Santa misa 7:00 PM - 8:00PM
Pa socialisa 8:00 PM - 10:00 PM

Parokia Birgen di Fatima, Dakota



OLIVE TREE'S PRE-PAID FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

Tur luna, Pastoral Hubenil Aruba (PHA) ta organisa un evento pa su miembronan y hubentud en general. Pa luna di april, e actividad ta diabierna 26 di april proximo y PHA lo tene un Caminda di Luz Hubenil den misa di Birgen di Fatima na Dakota. Durante e Caminda di Luz of Via Lucis, nos ta recorda e aparicion y momentonan cu a pasa despues di resurreccion di Hesus.

Si nos a compaña Cristo Hesus den su Caminda di Cruz pa salba nos, awor nos mester sigui compañ'E den su Caminda di Luz, den su glorificacion, den su manifestacionnan mas importante entre su

Resurreccion y binida di Spirito Santo, pa yuda nos crece den djE. E ta e Luz, cu a bini den mundo y ta ilumina tur esnan cu ta biba den e mundo aki y esnan cu a acept'E. El a duna nan e poder di bira yiunan di luz. Asina tur esnan cu ta kere den djE, no keda den scuridad.

E CAMINDA DI LUZ ta un reflexion riba Cristo Hesus su Resurreccion!

E programa di diabierna venidero na parokia di Dakota, ta manera ta sigui:

Caminda di Luz	: 6:30 – 7:00 pm
Santa misa	: 7:00 – 8:00 pm
Pa socialisa	: 8:00 – 10:00 pm

Deklarashon: James Finies Bonaire Human Rights Organization (BHRO) den e 3er Foro Permanente di Hendenan di Desendensia Afrikano



Bon dia, “Bonerian Lives Matter.” Ami ta di Boneiru. Mi ta bini di Karibe, e parti ku ta papia Papiamentu. Papiamentu ta nos idioma materno, ku huntu ku e idioma di Haiti, ta e úniko dos idioma ofisial nativo, den Karibe, ku a sobreviví kolonialismo. Mi ta kontinuá papia awor den e idioma kolonial: ingles kibra

Edukashon ta transmishon di konosementu – konosementu ta hasi bu kon-

siente di echonan.

Mi lo kompartí algun echo pa eduká, ku nos, e bonerianonan, no ta biba den Karibe pòst-kolonial. Ami ta biba den un kolonia hulandes.

E último dianan nos a skucha frasenan hopi uzá manera: “nos tur a nase igual den dignidat i derecho; derecho humano pa tur; niun hende mester keda atras; niun hende lo ta liber tanten ku tur hen-

de no ta liber; derecho pa humanidat; desigualdat i rasismo sistémiko; genosidio di nativonan; derecho di eksistí”. Esakinan no ta nos pasado, ta nos presente, nos realidat, ta nos lucha diario.

A drai nos sistema di edukashon i nos idioma di edukashon Papiamentu bèk na standardnan i idioma kolonial – pa sostené kolonisashon di parti di estableimentu di hulandes oropeo, segregando nos yunan i baha nan na nivelnan di edukashon mas abou. No ta “braindrain” (esta pèrdida di nos mehor serebronan) sino kolonisashon di nos serebronan, sekuestrando, hòrtando nos yunan, nos hóbenan, nan derechon humano i futuro.

Desde 2010 nos ta den un depopulashon i eksterminashon sistemátiko i institushonalisá, ku konsekuensia ku e poblashon nativo, lokal, a keda desplaza i redusí na 2017 te bou di 40% i nos ta awor, den 2024, ménos ku 32%. Nos ta un minoria riba nos isla, Boneiru, shete aña adelantá di e pronóstikonan skur.

Nos ta hasi un yamada pa solidaridat i sosten, pa yuda nos para esaki, sino nos lo desaparese pronto, ku tur ku ta aki awe komo testigu.


Nos rekomendashon na e Foro Permanente di Hendenan di Desendensia Afrikano (PFPAD): E akshon prinsipal pa re-

alisá hustisia reparatorio ta edukashon. Ántes e kolonisadónan a uza forza – awor nan ta uza edukashon na lugá di forza.

Nos ta aki awe, mi ta kere, mi ta komprendé, maroons moderno, luchadónan pa libertat,

mi ta tribi di bisa, ku a skapa di e edukashon-di-indoktrinashon di e kolonisadónan.

Mi ta finalisá sitando Malcolm X: “Ningun hende por duna bo libertat. Ningun hende por duna bo igualdat o hustisia o nada.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

AUTO KIA RIO HORTA NA SABANA LIBER A SER HAYA NA FLACCIUSSTRAAT



Diabierna merdia a drenta informe di cu e Kia Rio blauw cu a ser horta ta ser mira na Flacciusstraat, mesora a dirigi un patruya na e sitio. Na yegada di e rechecheurnan a bin descubri cu en-



berdad esey ta e auto cu a ser horta den oranan di madruga for di Sabana Liber. A pidi pa e investigador-nan tecnico y forensyco bin haci nan investigacion pa asina logra bin haya sa ta kendenan ta esunnan responsabel pa e Kia Rio Tik Tok Challenge aki.

MINISTER MADURO DI FINANSA A REUNI CU PRESIDENTE DI CAFT



E siman aki cu Minister Maduro di Finansa ta na Hulanda, e mandatario a reuni cu Presidente di

CAFT, sra. Lidewijde van Olerongen. Minister Maduro a duna un update riba e trabounan pa mehora maneho financiero di Aruba y a repasa e proceso pa yega na un miembro nobo pa Aruba den CAFT ya cu e termino di sra. Helen van der Wal ta bay yega su fin na augustus e aña aki. E mandatario a combersa tambe riba e reglanan presupuestario y e maneho cu ta wordo traha pa trata cu surplus, ya cu pa basta aña Aruba a conoce solamente presupuesto cu deficit y awo Aruba ta trahando cu presupuesto cu surplus. Tabata un reunion ameno y na final Minister Maduro a gradici sra. Lidewijde

pa su atencion y dedicacion pa e mehoracion di Aruba su finansa publico na bienestar di nos Pais.



PRONOSTICO DI TEMPO

VALIDO TE DIARANZON 24 DI APRIL 2024,
18:00 ORA
TEMPO:
AWE TARDI Y AWE NOCHI: PARCIALMENTE NUBLA
Y GENERALMENTE SECO
DEN MARDUGA Y MAYAN: PARCIAMENTE NUBLA CU UN AWACERO BREVE
TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 34 PA 39 GRADO CELSIUS
UV INDEX: 12
FENOMENONAN SPECIAL: MAYAN DIA 22 DI APRIL PA 12:38 PM, SOLO LO TA RECHT RIBA NOS CABEZ (DEN ZENITH) DEN SU MOVIMIENTO APARENTE PA NOORD.

NA E MOMENTO EI LO BO TA PARA RECHT RIBA BO SOMBRA. INSTRALING OF INSOLACION NA E MOMENTO EI LO TA MAXIMUM. E FENOMENO AKI LO BOLBE RIPITI DIA 19 DI AUGUSTUS 12.43 PM, CAMINDA SOLO DEN SU MOVIMIENTO APARENTE PA ZUID LO TA ATROBE RIBA NOS CABES DEN ORANAN DI MERDIA.

POTENCIAL DI AWACERO PA PROXIMO 24 ORA:
1 MM OF MENOS; LOCALMENTE ESAKI POR VARIA

MARAVILLAS DE LA FE

Salud
Suerte - Amor

Aruba: 748-5671
Cartas di tarot

Bo ta sufrí di un malestar cu bo no por cura?
Bo ta victima di bruheria?
Bo plaka no ya jega?
Bo compra numbernan y bo no ta gana?
Bo ta bai casino y no puede tur bo plaka?
Bo tin problemanan di amor?
Bo pareja ta gañabo?
Fracaso. Soledad. Malesanan angustia. Mala suerte
Comunica na 748 56 71



Lo E seca tur lagrima for di nan wowo y morto lo no existi mas. Lo no tin nada di rouw, nada di yoramento, nada di dolor mas, pasobra tur cos di antes a bai. Revelacion 21:4

Cu hopi dolor y tristeza na nos curason y agradecido pa tur e bunita recuerdonan, nos ta anuncia fayecimento di nos esposo, tata, abuelo, ruman, swa, omo, primo y amigo stima:

Sr. Candido Jacobo Angela
Mihor conoci como “Coby of Cobito”
*11-10-1940 - †13-04-2024

Mayornan:
†Candido y Candida Angela

Na number di su:

Esposa: Elsa Angela - Geerman

Yiunan:
Debby y Jairo Trimon - Angela
Jorge y Mariska Angela - Wensveen
Jeritza y De Flanegin - Angela
Natie Angela y Mathijs van den Berg

Nieta(o)nan:
Lisa Strörmann - Angela
Rick - Giovanni - Dani Angela
Cedrick - Shen Flanegin
Samantha - Dimitri Angela

Rumannan:
Rica Angela
Beta Angela
Betty Angela
Ada Angela y Lorenzo Maldonado
Mai Angela

Manera ruman:
Rory Arends

Un danki special na e verzorgersnan di Welthuis Buytenhaghe cu a atende Coby den e delaster añanan.

Tur su sobrino y sobrinanan, primo y primanan, ihanan, bisiña y amistadnan den mundo di deporte y musica y demas famia:

Angela - Geerman - Croes - Flanegin - Trimon - Wensveen - van den Berg - Strörmann - Arends - Luydens - Ras - Rasmijn - Lacle - Marchena - Coutinho - Franken - Lampe - Ruchtie - Laarakker - van der Doef - Irausquin - Unlü - Hamilton - Woonings - Ashraf - Kock - Wever - Adames - Dosier - Suarez

Ta invita demas famia, amigo(a)nan y conocirnan pa asisti na e acto di entierro cual lo tuma lugar diamars 30 di april 2024 di 9 or pa 11or di mainta na misa Inmaculada Concepcion na Santa Cruz. Despues lo sali pa santana catolico di Santa Cruz.

Nos ser stima lo ta reposa for di 9or di mainta na misa.

Nos disculpa si den nos tristeza nos por a lubida algun familiar of conocir.

Alabes nos kier a participa cu lamentablemente nos no lo por risibi bishita di condolencia na cas.



Afscheid Hans Janssen als lid Beheerraad



Volgend op de vergadering tussen de leden van de Beheerraad en het bestuur, werd afgelopen vrijdag 19 april 2024 op Sint Maarten afscheid genomen van Hans Janssen, lid van de Beheerraad van het Hof sinds 19 februari 2016, per 17 februari 2017 als voorzitter, in 2021 herbenoemd voor een tweede termijn in beide functies. Hans Janssen is lid van de Beheerraad namens Nederland ten behoeve van Bonaire, Sint Eustatius en Saba. De afscheid nam plaats tijdens een lunch in aanwezigheid van de vrouw van de heer Janssen, overige leden van de Beheerraad, leden van het Bestuur en rechters en gerechtsambtenaren. De opvolger van Hans Janssen wordt in de loop van dit jaar bekend gemaakt.



Obituario

Publica serka nos anuncio di fayecimento di bo ser kerí. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na 585-9500 of na 741-4554